

## Član 3.

(Naknada za pripravnost za rad)

- (1) Pripravnost za rad je poseban oblik rada, kada sudije i tužioc ne moraju biti prisutni na radnom mjestu, ali moraju biti dostupni radi obavljanja hitnih poslova.
- (2) Radnim vremenom ne smatra se vrijeme u kojem je sudija ili tužilac pripravan odazvati se pozivu pravosudne institucije za obavljanje poslova, ako se ukaže takva potreba.
- (3) Naknada za pripravnost za rad sudija i tužilaca u pravosudnim institucijama u Kantonu Sarajevo utvrđuje se u odnosu na njihovu mjesečnu osnovnu plaću iz čl. 2. i 3. Zakona i iznosi:
  - a) za pripravnost za rad radnim danom u iznosu od 7% osnovne mjesečne plaće;
  - b) za pripravnost za rad u dane vikenda i praznika u iznosu od 9% osnovne mjesečne plaće.
- (4) U slučaju da se u toku trajanja pripravnosti pojavi potreba dolaska na radno mjesto i potreba za radom, takav rad tretira se kao prekovremeni rad i obračunava se i isplaćuje kao prekovremeni rad.
- (5) Pripravnost za rad radnim danima traje 16 sati, a subotom, nedjeljom i praznikom 24 sata.
- (6) Pripravnost sudije, odnosno tužioca može se odrediti i na sedmičnom nivou, u trajanju od sedam dana, ili na kraći vremenski period.
- (7) Rukovodilac pravosudne institucije donosi u tekućem mjesecu za naredni mjesec Plan pripravnosti sa obaveznom naznakom jednakog vremenskog rasporeda za naredni mjesec prema abecednom redu sudija ili tužilaca.

## Član 4.

(Rješenje)

- (1) Naknade predviđene u odredbama čl. 2. i 3. ove uredbe ostvaruju se donošenjem rješenja, jedanput mjesečno.
- (2) Rješenje iz stava (1) ovog člana donosi rukovodilac pravosudne institucije.

## Član 5.

(Stupanje na snagu)

Ova uredba stupa na snagu 01.01.2023. godine, a objavit će se u "Službenim novinama Kantona Sarajevo".

Broj 02-04-46633-3/22

17. novembra 2022. godine  
Sarajevo

Premijer

**Edin Forto**, s. r.

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 33. Zakona o zdravstvenom osiguranju ("Službene novine Federacije BiH", broj 30/97, 7/02, 70/08, 48/11, 36/18 i 61/22), na usaglašeni prijedlog Ministarstva zdravstva Kantona Sarajevo i Zavoda zdravstvenog osiguranja Kantona Sarajevo, Vlada Kantona Sarajevo, na 102. sjednici održanoj 17.11.2022. godine, donijela je

## UREDBU

**O IZMJENAMA I DOPUNI UREDBE O OBIMU,  
USLOVIMA I NAČINU OSTVARIVANJA PRAVA  
OSIGURANIH LICA KANTONA SARAJEVO NA  
MEDICINSKA SREDSTVA**

## Član 1.

(Izmjena člana 54. stav (2))

U Uredbi o obimu, uslovima i načinu ostvarivanja prava osiguranih lica Kantona Sarajevo na medicinska sredstva ("Službene novine Kantona Sarajevo", br. 22/20, 30/21 i 42/22) u članu 54. stav (2) mijenja se i glasi:

"(2) Osigurano lice koje prima insulin ostvaruje pravo na trakice kako slijedi:

- a) osigurano lice u dobi iznad 18 godina koje boluje od dijabetes mellitusa i prima insulin ostvaruje pravo na četiri (4) trake dnevno, ili 200 trakica na 50 dana.
- b) osigurana lica - trudnice i učenici/studenti (18 - 26 godina starosti) na intenziviranoj inzulinskoj terapiji ostvaruju pravo na 150 trakica za 50 dana,
- c) Prijedlog za medicinsko sredstvo iz tač. a) i b) ovog stava se obezbjeđuju u skladu sa Listom."

## Član 2.

(Izmjena i dopuna liste)

U listi medicinskih sredstava koja je sastavni dio Uredbe vrši se sljedeća izmjena tabelarnog pregleda:

E - Ostala medicinska sredstva

## 5. Sredstva kod šećerne bolesti

- u redu broj 4 u koloni "Medicinske indikacije za ostvarivanje prava na medicinsko sredstvo" iza riječi "insulinom" stavlja se interpunkcijski znak "zarez" i dodaju riječi "u skladu s članom 54. ove Uredbe."
- u redu broj 4 u koloni "Količina odobrenog medicinskog sredstva" mijenja se količina. Umjesto oznake "50 kom za 50 dana", treba da stoji "do 200 kom za 50 dana".

## Član 3.

(Stupanje na snagu)

Ova uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-04-46633-4/22

17. novembra 2022. godine  
Sarajevo

Premijer

**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 19. stav (1) alineja 3), 21. stav (4) i (5), 22, 23., člana 30. stav (1) i (4) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", broj 86/07, 24/09, 44/10 i 30/16) i Poglavlja II tačka 3 i 4. Procedura zaduživanja Kantona Sarajevo na osnovu vanjskog i unutrašnjeg duga i izdavanja garancija ("Službene novine Kantona Sarajevo", broj 10/11 i 07/19), Vlada Kantona Sarajevo, na 102. sjednici održanoj 17.11.2022. godine, donijela je